
Res. 4°
Eur
335
43 a

Copy

40 2

335/43 2


Copey odder Ab-

druck / einer Recusation / welche
von wegen der Churfürst vnd Für-
sten / Sachssen vnd Hessen / Auch
anderer irer Religion einungs ver-
wandten / Stende vñ Stedte / auff
vermeinte nichtige Proces / des vn-
reformirten / vnd parteischen besetz-
ten Cammergerichts / so Herzog
Heinrich / der sich den jüngern von
Braunschweig thut nennen / wid-
der sie ausbracht / widder dasselbe
Cammergericht zu Speir / auff den
vierden Decembris M. D.

XLII. fürgetwand wor-
den ist.

M. D. XLIII.







On Gottes gnaden/

Wir Johans Friderich/ Der
tzog zu Sachsen/ des heili-
gen Römischen Reichs Krtz-
marschalch/ vnd Cursfürst/
Landgraue inn Thüringen/
Marggrane zu Meissen/ vnd Burggrane zu
Magdeburg/ Vnd Philips Landgraue zu
Wessen/ Graue zu Katzenelnbogen/ Dietz/
Ziegenhain vnd Nidda/ Als Oberheubtleut
der Christlichen vnd Euangelischen verstand-
nus/ inn namen vnser selbst/ vnd gemeiner vns-
ser vereinigung/ auch aus sonderer bewillig-
ung vnd erkantnus/ der Nochgebornen Für-
sten/ Wolgebornen Grauen/ vnd Erbarn
Stedt vnd Stend/ solcher vnser verstandnus
vnd Einigung verwand/ Fügen euch/ den
Wolgebornen vnd Nochgelarten personen/
so dieser zeit/ sich vermeinter weis/ anmassen/
das Key. Camergericht zubesitzen vnd zuuer-
wesen/ hiemit zuwissen/ Wiewol euch vnd
meniglichē vnuerborgen/ das das Keyserlich
Camergericht (dessen ihr euch/ wie gemelt/
anmasset) ewer personen halb/ nach der orde-
nung/ so zu Wormbs/ im ein vnd zwenzigstem
jar hievor gemacht/ vnd beschlossen worden/
Auch wir/ vnd vnser zugewandte stende/ die
wir/ auch Churfürsten/ Fürsten/ Grauen/
Stende vnd Stedt/ so den mehrerteil/ zu dem
heiligen Reich/ vnd inn die ausgetheilten Kreis

A. ij. desselben

desselben on mittel gehörig sein/ In solche eure
itzige besatzung/vnd verwaltung nicht gewillt/
sondern verschierer jaren/zu Schmalkal-
den/gegen Doctor Matthes Welden/als der
zeit Key. Ma. 2c. vnser aller gnedigsten herrn
Dratorn / auch volgendes gegen Key. Maie.
selbs / inn vnser Supplication / vnd sonst zu
vielmaln/vns ernstig vñ mit höchster beschwe-
rung / solcher vngleichheit / vnd dan der par-
teilichkeit / widderwillen / abgunsts/vnd ver-
dachts / ob ewern personen / beklagt ha-
ben / Wie wir von solchem allen / klare vnd
gnugsame anzeig vnd beweisung / zuthan
wissen / Auch vnser Ausschreiben / so wir
im acht vnd dreissigsten jar jüngst verschie-
nen/wider ewre personen gethan/vñ im druck
ausgehen lassen / dauon an vielen orten mel-
dung thut / Welchs vnser billichs beklagen/
wie fur vnd fur / vnd fürnemlich auff den
Reichstag/ so vertigs jars zu Regenspurg ge-
halten worden / also continuirt vnd beharret
haben/das derhalbē die hochstgedachte Key.
Mai. auff denselben Reichstag / welchen ihre
Mai. selbs eigener person gehalten / mit den
Stenden des Weiligen Römischen Reichs
(vnter welchen stenden/auch ausserhalb/vn-
ser/vnd vnser Zugewanten/sich eben viel von
euch/ewer parteilichen Process/vnd vnbilli-
chen handlungen halb / auch höchlich be-
klagt vnd beschwert haben) einmütiglich be-
schlossen/

schlossen / das das Camergericht / inn allen
vnd iden seinen personen / auff den xiiij. tag
Januarij / nechst verschlenen visitirt / vnd re-
formirt werden solte / inn massen vnd gestalt /
die Stende des Reichs / inn solche Visitation
vnd Reformation gewilligt / Nun haben
aber wir / vnd vnser Mituorwandten Sten-
de / inn solche Visitation vnd Reformation /
anderer gestalt nicht gewilligt / denn das
hinfurt der Personenhalb / was Religion die
sein / gar kein vnterschied sein / sondern von
beider Religion personen / darzusetzen / glei-
cheit gehalten werden solte / Danon auch wir
ihrer Key. Mai. erklerung / willen vnd gemüt /
inn schrifftten vnd gutem schein / beyhanden
haben / wie dann die wort derselbigen erkles-
rung oder declaration / hernacher volgen sol-
len / So haben auch vnser vnd vnserer mit-
uorwandten Stende / Rhet. vnd gesandten /
inn vnd bey dem abschied desselbigen Reichs-
tags / inn gegenwertigkeit Key. vnd König.
Mai. vnser allergnedigsten herrn / auch Chur-
fürsten / Fürsten / vnd Stende des Heiligen
Reichs / öffentlich protestirt / das sie solchen
Abschied / nicht anders / dann laut ihrer vor-
willigung / danon auch die Key. Mai. bekant-
nus / Brieff gegeben / angenommen / vnd bewil-
ligt haben wollen.

Artickel der Key. Mai. ge-
gebenen Declaration / vnd erklerung / so
viel des Camergerichts personen / Visitatio-
on vnd Reformation / antrifft.

Also sol es auch des Camergerichts halben
verstanden werden / das die beisitzer desselben
auff den itzigen Abschied vnd declaration /
sollen vereidet werden / Vnd der Auspurgi-
sche Abschied / so viel die Religion belangt /
nicht stad haben sol / Desgleichen die Perso-
nen / so presentirt wurden / von des wegen /
das sie der Augspurgischen Confession we-
ren / gar nicht gewegert werden / Vnd sol ei-
nem iden vngeachtet / waser Religion er sey /
gleichmessig Recht / gesprochen werden / Vñ
sol kein beisitzer / der sonst tiglich / der Aug-
spurgischen Confession / vnd derselben Sten-
de Religion halben / daraus entsetzt werden.

So sol auch den Stenden / der Augspur-
gischen Confession verwant / vnd den andern
Stenden frey sein / auff nechstkünfftige visita-
tion / denjenigen / so sie inn vnser Cammerge-
richt zusetzen haben / ob sie die nicht ferner ge-
brauchen wollen / zuerlauben / vnd andere tair-
genliche personen ihrer Religion / an der stad
zuuerordnen / Vnd wir wollen inn verorde-
nung / der personen zu der Visitation / kein vñ
derschied der Religion haben 2c.

Inn

Inn gleichnus / so ist abermals auff jüngst
gehaltenem Reichs tag zu Speir beschlossen /
vnd ein Abschied gemacht / nach dem solche
vorbewilligte Visitation aus richtigen vrsach
en ihren furgang nicht erreicht / so solte die
selbige Visitation vnd Reformation / aller
massen / wie auff den vierzehenden tag Janu
arij hette beschehen sollen / auff den sechzehen
den Junij / auch noch so ergangen / gewislich
zu Speir / furgenomen werden / damit inn
dem Heiligen Reich / meniglichen vngeachtet /
was teils Religion der sey / ein gleich vnpar
teisch Recht / erfolgen / vnd mitgeteilt werden
möcht. Darzu die Key. Mai. ihre Comis
sarien verordnen solle / Inn solcher gestalt /
so habē auch vnser / vnd vnserer mitvorwan
ten Stende / gesandte / solchen Abschied / vnd
darauff die hülff widder den Türcken / verwil
ligt / mit den ausdruckenlichen vorbehalten /
ob solche Visitation / innhalt der vorangezo
genen Keyserlichen zu Regenspurg / gegeben
nen declaration / nicht geschehe / das als dann
wir / vnd vnser mitvorwandten Stend / solch
Cammergericht nicht helfen vnderhalten /
noch vor demselbigen / Recht geben / oder ne
men / sondern dasselb nicht allein inn Religion /
sondern auch allen andern sachen / recusiren
woltē / inn massen denn wir / vnd sie darüber
der König. Ma. vnd der Key. Commissarien be
willigung vnd Confirmation / welcher gestalt
solche

solche bewilligung/ von den vnsern geschehen
ist/ auch ihrer König. Mai. vnd der Key. Co-
missarien verwilligung/ vnd vertröstung/ das
solche Visitation / vnd Reformation des Cam-
mergerichts / vermüge des Regenspurgischen
Abschieds / vnd der obbemelten Key. declara-
tion surgenomen/ vnd verrichtet/ Auch durch
die Key. Mai. bey den Commissarien vnd Visi-
tatorn verschafft werden solte 2c. bey handern
haben/ welcher innhalt/ so viel solche Visita-
tion vnd Reformation betrifft/ von worten zu
worten/ hernach volget.

Wir Ferdinand / von Gottsgnaden Röm-
ischer König 2c. vnd wir Aug. / Graue zu
Montfurt / vñ Johan von Tanes/ beide Ref.
Rethe vnd verordente Commissarien. Beken-
nen/ vnd thun kundt meniglichen/ mit diesem
offenen Brieff / Als vns die Stend der Aug-
spurgischen Confession/ vndertheniglich fur-
bracht/ das sie inn die hülff widder den Tür-
cken nicht bewilligen möchten / denn mit vor-
behalt des Jüngsten Regenspurgischen fried-
stands/ vñ der declaration/ so die Röm. Key.
Mai. vnser lieber Bruder vnd herr / vber den
Regenspurgischen Reichsabschied/ bemelten
Stenden gegeben/ Vnd das derselbig Regens-
purgische friedstand / vnd declaration / so
lang als der itzige alhie zu Speir gemachte
friedstand/ mit sich bringt/ weren solle/ Das
wir

wir demnach an stat/ vnd inn namen Keiser-
licher Maiestat/ gnedtlich bewilligt haben/
Vnd thun das hiemit wissentlich/ inn krafft
dieses Brieffs/ das durch diesen alhie gemach-
ten Reichs Abschied/ der gemelte Regenspurg-
ische Friedestand / vnd darauff gefolgte
Keiserliche declaration / nicht auffgehoben/
noch denen ichts benomen sein/ Sondern so
lang/ als der itzige alhie zu Speir auffgerich-
ter Friedestand wehret/ Inn allermassen/ wie
die Key. Maie. solche declaration / vber den
Regenspurgischen Abschied gegeben / auch
weren sol/ Vnd sol die künfftige Visitation
vnd Reformation des Cammergerichts/ ver-
müge des Regenspurgischen Abschieds /
vnd obgemelten Key. declaration / furgenom-
men vnd verrichtet / auch durch die Keiser-
liche Maiestat/ bey den Comissarien vnd Vi-
sitatorn/ verschafft werden/ das solchs also
geschehe vnd erfolge/ Vnd auff den fal/ das
solchs nicht geschehen würde/ haben obge-
dachte Stende/ inen furbehalten/ das Cam-
mergericht / weder zu vnderhalten helffen/
noch vor denselbigem Recht zugeben oder zu-
nehmen/ sondern dasselbig nicht allein inn Re-
ligion/ sondern auch allen andern sachen/ zu
Recursir etc.

Diemeil dann jr/ die personen / so dieser
zeit das vielbemelt Cammergericht zuerwe-
sen/ auch vnbillich anmassen thut/ Anfangs/

B

nicht

nicht nach obgemelter Wormischen ordnung/
vnd mit vnsern/vnd vnserer Mituorwandten
Stende bewilligen/dahin geordent/ vnd ge-
setzt sind.

Zu deme auch vnd furnemlichen/die ob-
gemelte Visitation vnd Reformation/inmass-
sen durch die Römische Key. vnd Kön. Maie.
wir vnd vnserer Mituorwandten Stende/gne-
diglich vnd vielfeltig/in angeregten Decla-
rationen/bewilligungen vnd vrkünden/vertrö-
stet worden/noch bisher nicht erfolgt ist/wir
auch noch/ewer personen halb/in obgemel-
ten beschwerden stehen.

Vnd dann der mangel/an Vns/ vnd vn-
sern Mituorwandten Stende (das solche Vi-
sitation vnd Reformation/iren furgang nicht
erreicht haben) gar nicht gewesen/Sondern
Wir / vnd dieselben vnserer Mituorwandten
Stende/ den bestimpten Tag/der bewilligten
Visitation/vnserer teils besucht/vnd solcher Vi-
sitation vnd Reformation/gehorsamlich ge-
warten wollen 2c.

So ist ihe offenbar/das jr/ vber solchs
alles/vnser vnd vnser mituorwandten stende/
Richter nicht sein / auch wir für euch zu kom-
men/recht zu geben/vnd zunehmen / nimmer
mehr schuldig sein sollen oder mögen/ Beden-
ckē auch/dasselbig keins wegs zu thun/Son-
dern/werden wir/der obgemelten Key. decla-
ration/

ration / auch der Königlichen vnd der Key.
Comissarien bewilligung / versicherung / vnd
vns gegebenen vrkunden / festiglich anhan-
gen / Inn zurersicht / jr hetten euch derselben
gehorsamlich / vnd wie billich / gehalten / Vnd
werdet euch auch noch / derselbigen hinfurt
halten.

Dieweil jr aber bis anher / des alles vnbe-
dacht / vnd vnangesehen / das jr nicht ordent-
licher weise / an den ort gesetzt / vns auch / ewe-
rer person halb / wie gemelt / zum höchsten
argwönig / vordechtig vnd beschwerlich seid /
Zu deme / das auch die vielgemelte vertröste
Visitation vnd Reformation / nicht erfolge
ist / vber vnser / vnd vnser Mituorwandten
Stende / ausdrückenlich bedingen vnd vorbe-
halten / das wir inn solchem fal / euch nicht al-
lein nicht vnderhalten helffen / sondern euch
nicht fur Richter erkennen / obder halten wol-
len / Euch nichts deste minder selbs / fur Rich-
ter gegen vns / vnd denselben vnsern mituor-
wandten Stenden / vnbillicher vnd vormein-
ter weis / auffgeworffen / vnd angemast / Vnd
inn kurtzem hienor / auch mehr dann einest /
gegen etlichen aus vns / vnd vnsern mituor-
wandten Stenden / vermeinte vnbilliche / vnd
vnrechtmessige Mandata / vnd Citationses /
Als von wegen / der hoch verursachten / vnd
gedrungenen defension vnd gegenwehr / dar-
inn wir / vnd vnser Mituorwandten / der bes-

trangten Stadt/Gosslar vnd Braunschweig
halben / wider vnsern willen gestanden /
vnd anderer mehr sachen halb / vermeinter
vnd vnrechtmessiger weise erkant/vnd ausge-
hen habet lassen/ Also/das wir/vnd vnser
Mituorwandten Stende/abnemen vnd spürn
müssen/das jr (die jr/wie gemelt/ von Recht
vnd billigkeit wegen/nicht mehr vnser Richter
sein sollen/ können oder mögen) ihe nicht
nachlassen wollen / Sondern bey euch one
zweuel gedenccken/Vns/vnd dieselben vnser
Mituorwandten Stende / so viel an euch ist/
für vnd für/wider Recht/mit solchen vnd derg-
gleichen / vermeinten vnd nichtigen Mandat-
ten/Citation vnd Processen / zubeschweren/
vnd zubeleidigen/ So haben wir vnd die
selben / nicht lenger vmbgehen mügen / euch
hiemit öffentlichen / vnd wie sichs gebüret/
anzuzeigen/vnd zuuermelden / Das jr euch
solchs / ewers vermeinten Gerichtszwangs/
gegen vns / vnd derselben vnsern Mituor-
wandten Stenden/vnbillich vnd wider recht
vnderfahet vnd anmasset/das euch auch (wie
öffentlich am tage ist) gar kein rechtmessige
Jurisdiction / odder Key. Gerichtszwang/
gegen vns/vnd vnsern Mituorwandten/ zu-
kômpt oder gebürt.

Im fal aber/do euch der selb gebürn solt/
vnd dann wir / vnd die vielgedachten vnser
Mit

Mituorwandten Stende / vnser Christlichen
vereinigung / bis her / inn viel wege / vnd zum
offtermal befunden haben / vnd noch teglich
befinden / abnehmen vnd spüren müssen / Das
ir vns / vngleiche / verdecktliche / abgünstige /
sorgliche / vnd vnrechtmessige Richter seid /
vnd furthín weret / so wir vor euch / zu Recht
kommen solten / Vnd dann also / vor ver-
decktlichen vnd partheischen Richtern zustehen /
vnd ire Vrteilen zu leiden / auffs höchst be-
schwerlich / auch widder alle billigkeit vnd
vernunft / were.

Zu deme auch vnd zum vberflus / das
wir vnd vnser Mituorwandten Stende / vns /
wie obgemelt / ausdrückenlich bedingt vnd
vorbehalten haben / so die Visitation vnd Re-
formation nicht erfolge / inn massen wir ver-
tröst worden / vnd dadurch der vorgemelt ver-
dacht / sorg vnd geserligkeit / ewer personen
halb / nicht grüntlich abgeschafft / das wir
von Recht / billigkeit vnd aller erbarkeit we-
gen / nicht mehr für euch zu Recht stehen / son-
dern euch inn allen sachen / weigern vnd Re-
cusirn wollen.

So haben wir gegenwertige vnser / vnd
vnserer Mituorwandten Rethen / gesandten
vnd Anwalden / vnsern lieben getrewen vnd
besondern / Jorgen Lanterbocken Licentia-

B iij ten /

ten / Johann Keudel / Olman Bockel / vnd
Matthias Knipping / gewalt gegeben / auff
gelegt vnd befolhen / Thun das inn namen
vnsers selbs / vnd vnser Mituorwandten Sten-
de / inn / vnd mit krafft / dieses / gegenwertigen
Recusation libels / Also / das sie ewre personen
vber vns / vnd vnser Mituorwandten Stende
zu Richtern / weigern vnd Recusirn sollen / Re-
cusirn vnd weigern euch hiemit / inn krafft dis
Libels / wissentlich / hiemit öffentlichen / besser
vnd sicherster form / inn namen vnser / vnd
wie offte gemelt / protestirend / das wir vnd vn-
sere Mituorwandten Stende / durch diese vn-
ser / vnd jr rechtmessige furgewandte Recusa-
tion / die Rechte / vnd ware Key. jurisdiction /
vnd ordentlichen gewalt / inn keinen weg an-
fechten / obder angefochten haben wollen /
Das auch Vnser / vnd vnserer Mituorwandten
Stende / gemät / meinung vnd wille nicht sey /
jemand / wes stands / oder condition / der sey /
gebürlichs / gleichmessigs / vnd vnpartei-
sch Rechtens / warzu sein / oder ewr / der angema-
sten Cammerrichter vnd Beisitzer / ehren zu
verletzen / Sondern / das wir solche Recusa-
tion / zu Vnser / vnd vnserer Mituorwandten
Stende / vnuormeidlicher notturfte / vnd zu be-
schirmung / vnser vnd irer rechtmessigen sachen
haben furwenden müssen / Vnd sagen
demnach / das euch zu diesem mal / vnd hin-
furt / kein Key. Gerichtszwang / auch inn
Prophan

Prophean sachen/vber Vns/vnd vnser zuge-
wandten Stende/eigenen vnd gebüren müge.

Doch alles allein/ so lang vnd viel/ bis
dieses Keiserlich Cammergericht / nach rech-
ter ordnung / mit vnsern/ vnd vnser Mituor-
wandten Stende/zuthun/vnd bewilligen be-
setzt/vnd furnemlich / bis er vermüge Keiser-
licher vnd Königlicher Maie. vnser allergne-
digsten herrn Declaration/ bewilligung/vnd
vrkunden/ Visitirt vnd Reformirt / auch also
aller verdacht vnd beschwerung / ewer perso-
nen halb/abgeschafft worden ist.

Vnd ob gleichwol/ir/oder jemand/ans-
ders furwenden wolt/ Es hette die Römische
Key. Maiestat etc. geschrieben/das solche Vi-
sitation vnd Reformation/dieser zeit/aus für-
gefallenen verhinderungen / nicht geschehen
möchte etc. So hat doch ir Maie. inn dem
nicht statuiert/das ir vns mitlerzeit/vber solch
merckliche beschwerungen/ so wir vnd vnser
Mituorwandten Stende / an ewren personen
gehabt/gleichwol nicht desto minder/beque-
me Richter sein solten/noch auch ir Key. Ma-
i.erer vorigen bewilligung / so aus hohem vnd
trefflichem Rath/geschehen/derogirt.

So haben auch zum vberflus/vnser/
vnd vnserer Mituorwandten/Ketche vnd Bots-
schaff

schafften/ so damals zu Speir gewesen/ dar
non / vnd das wir inn solche prorogation/
nicht bewilliget haben wollen / öffentlichen
protestirt.

Vnd im fal / das die Key. Mai. statuire
hette/das jr/mittlerzeit der Visitation/vns be-
queme Richter sein soltet/ So were dannoch
vns vnd vnsern Mituerwandten Stenden/da-
durch an vnsern Rechten / Welchs inn natür-
licher billigkeit begründet / nicht benomen/
Als vns auch / das one vnser bewilligung/
nicht hette benomen werden mügen.

Die weil dann one viel gemelte Visitation
vnd Reformation/Vns/vnd vnsern zugewan-
ten Stenden / kein gleich / vnd vnpartei-
sch Recht erfolgen mag/Nach deme jr alle Papi-
stischer Religion / vnd auff den Augspurgi-
schen Abschied/vngeacht/das derselb/durch
die Key. gegebenen Declaration/vnd darauff
gefolgter Kön. Maie. Confirmation/auffge-
habē/noch auff diesen heutigen tag gelobt vñ
geschworn seib/ Vnd wir vnd vnser mituer-
wandten Stende/vns mit Kön. Mai.vnd der
Key.Ma. Comissarien verwilligung/ausdrück-
lichen vorbehalten haben/Im fal / do die
vielberurte Visitation vnd Reformation nicht
gesehehen / vnd also aller verdacht vnd be-
schwerung / ewer person halb / nicht abge-
schafft

schafft würde/ Das dann wir/ vor euch/ recht
zugeben vnd zunemē/ vnuerpflichtet sein wol-
ten / So volgt daraus/ das ir euch nun ein
gute zeit her/ der Jurisdiction/ die euch wider
vns vnd vnserē Mitnorwandten/ im Rechten/
vermūge der Reichs ordnung / nicht gebürt/
vnbillicher weise / vermessenlich vnderzogen/
auch auff diesen tag / an vnser vnd derselben
sondere bewilligung / nicht vnderziehen mü-
gen/ Da von wir hiemit öffentlich protestirn:

Aber gesatzt/ doch nicht zugelassen/ das
eure personen/ noch gerichtszwang / inn vns
oder vnserē zugewandten / haben solten / Als
doch aus gehorten vrsachen/ auch von Got-
tes vnd Rechts wegen/ nicht wol möglich ist/
So sagen wir/ wie oben auch gemeldet/ das
dieselbe eure personen/ Vns/ vnd vnserē Mit-
norwandten Stenden/ zum höchsten zuwider
der / partheilich / sorglich / vordechtig / be-
schwerlich vnd meidlich sein/ Vnd also billich
von vns Recursirt werden sollen vnd mügen/
Inmassen wir dann dieselben / hiemit / vnd
inn krafft dieser schrift / inn der aller besten
form der Rechten/ recusirn/weigern vnd ver-
werffen.

Dan wir können/ seind des auch im Rech-
ten nicht schuldig / eure personen für Richter
gar nicht / inn einicherley sachen / sie sey ge-
schaf-

schaffen oder geartet/wie sie wölle/keine vber-
al ausgenommen / Des wir euch hiemit gnugs-
sam erinnert / auch von solchem/gebührender
weis / bezeugt vnd protestirt haben wollen /
leiden/zulassen oder bewilligen/were auch wi-
der vernunft/vnweislich/vnd widder gemei-
nen verstand gehandelt.

Vnd dieweil solcher euer verdacht / vnd
parteilicheit ihe gnugsam offenbar ist / so seid
ihr schuldig/numehr on alle ausflucht still zu
halten/vñ gegen vns/vnd vnsern zugewand-
ten Stenden / nicht zu procedirn / Vnd so ihr
solchs vberfarn/würdet/ ihr euch noch weiter
verdecktig/vnd nach vermüg gemeiner Rech-
ten/die sachen vnd krieg/ euer eigen machen.

Nach dem ihr auch auff den fall / ob ihr
gleich Ordinarij sein/vnd einichen Gerichts-
zwang haben solten / solcher vnser Suspicion
halben/so wir gegen euch haben / weitere vr-
sachen/anders dann mit dem eid anzuzeigen/
vermüg gemeinen Keiserlichen Rechten/nicht
schuldig.

So sagen wir dennoch fur vns/vnd vn-
sere zugewandten Stende / bey vnsern Fürst-
lichen worten vnd eiden / das wir diese vnser
Recusation / geuerlich nicht furzuwenden /
auch nicht anders wissen/odder erkennen kön-
nen/

nen oder mögen / Dan das euer verdecktigkett
inn der that warhafftig / vnd die vrsachen /
solches argwans vnd verdachts / im Rechten
beweislich sein.

Im fall aber / da wir solchs verdachts/
weitere vrsachen anzuzeigen schuldig sein sol-
ten / in dem wir doch nichts / denn soniel recht
ist / begeben haben wollen / auff das dann vn-
sere / vnd vnser Mituerwandten Stende be-
schwerungen / die wir wider euer person / vnd
vermessenheit haben / jederman klerlich ver-
mercken möge / So sagen wir (doch vnbege-
ben aller rechtlichen freiheit vnd Satzungen)
Das jr sonderlich aus nachfolgenden vrsach-
en / vns / vñ vnsern Mituerwandten Stenden /
zum höchsten argwenig vnd verdecktig seid.

Erstlichen / So ist war vnd offenbar /
das ihr samenthafft vnd sonderlich / einer an-
dern Religion / ja gar eines andern glaubens /
dann wir / vnd vnser Zugewandten sein.

Item / das ihr den Augspurgischen Ab-
schied / Anno dreissig / gemacht / in seinen Ar-
tickeln / die Religion belangend / zuhalten an-
genommen / zugesagt / vñ auff denselben gelobt
vnd geschworn habt.

Item / Das aber dargegen wir / vnd vnser

C ij

zuge

zugewandten / solchen Augspurgischen Abschied / inn denselbigen Artickeln / die Religion betreffend / nicht angenommen / wie wir auch mit Gott vñ gutem Gewissen nicht thun müßgen / Sondern haben wir darwider öffentliche protestirt / vnd von demselbigen / an ein künfftig frey Christenlich / vnd vnuerdechtig Concilium / appellirt.

Item / Diweil aus widderwertiger Religion / vñ vngleichheit des glaubens / die höchste feindschafft vnd partheiligkeit / gemeinlich zuentstehen vermarckt wirdet / auch öffentlich vnd notorium ist / das von wegen solcher spaltung im Glauben / ein schweres mistrawen / abgunst vnd vnfreundschaft / im heiligen Reich Deutscher Nation / nicht allein zwischenden Stenden / Sondern auch den priuaten personen / entstanden / Das dann wir vnd vnser mitverwandten Stende / vñ auch als die / so vnserer waren vnd Christlichen Religion / anhengig sind / vns je nichts gewissers / dann solcher vnfreundschaft / abgunst / partheiligkeit / vnd alles widderwillens / zu euch / als die vns / vnd vnserm glauben auffß höchste feind sind / zuersehen vnd zubefahren haben / Als wir die auch würcklich / vnd mit der that befunden.

Item / Das ihr vns alle für abtrünnige / vnd als die / so von dem alten wahren Christlichen

lichen glauben / gefallen vnd abgewichen sein
soltten / wider Gott vnd die warheit / gantz ver-
messentlich achtet vnd haltet.

Item / Das ihr auch darumb / bey euch
nicht anders halten / auch mehr denn einst /
euch vernemen lassen / Als ob wir / als (euerer
achtung / abtrünnige / keiner wolthat / vnd be-
schirmung der Rechten) vehig sein vnd genieß-
sen solten.

Item / Das ihr solch ewer gemüt / fur-
gefasten bösen vnwillen / abgunst vnd feinds-
schafft / zum offternmal / vnd mit vielerley be-
schwerlichen vnd vnbillichen practiken vnd
pseudicijs / gegen vns vnd vnsern zugewand-
ten / gnugsam erklet / vnd an den tag gegeben
habt.

Item / Das ir / zu fürderung ewer ange-
massen Religion / viel vnd mancherley / wider-
den Keiserlichen / zu Nürnberg gewirkten
friedstand / Königliche Iussion vnd beuelh /
gantz verdecktig vnd partheisch gehandelt /
vnd gefördert habt / Inn massen solchs in vna-
ser / vnd gemeiner vnser Religions verwand-
ten Stende / hiebeuor vbergebenen Recusati-
on / inn sachen die Religion belangend / nach-
der leng / vnd mit bestendiger warheit / deduc-
irt vnd furgewant worden ist / Desgleichen
inn vnserm / des Landgrauen / Recusation li-
bell / so wir euch / inn sachen / den Stifft zu.

Kauffingen belangend / im sioben vnd dreissigsten / haben insinuiren lassen / vnd dann inn dem öffentlichen Ausschreiben / so wir beide / in namen / vnser / vnd gemeiner Stende / wider euch / im acht vnd dreissigsten Jar / haben ausgehen lassen / Welche Recusation vnd Ausschreiben / wir hirtzu inn aller massen / als ob die von wort zu wort hierin begrieffen / vnd inserirt weren / soniel die hirtzu dienlich / repetirt vnd erholet / vnd solchen ewern verdacht / partheiligkeit vnd widerwillen / noch Klerliche / in specie / anzuzeigen.

So sagen wir / das vnser / vnd vnserer Mituerwandten Confession vnd Religion / inn jüngstem Augspurgischen Abschied / gar verworffen.

Item / Das darauff sonderlich geordnet vnd beuolhen / das allen Cammergerichts personen / ernstlich vntersagt vnd eingebunden werden solte / sich berirts Augspurgischen Abschieds / der Religion vnd glaubens halb / bey peen darbey vermielt / zuhalten.

Item / Das solchs also in beiden folgenden Visitationen / Anno 31. vnd Anno 33. auch beschehen.

Item / Das daraus erfolgt / das zu dem beitzterstand / niemand / dann vnser / vnd der Religion höchste feind vnd widerwertige / kommen.

Item /

Item / Ob gleich zu zeiten etzliche personen / vns vnd vnsern Nitverwandten Stenden / nicht so gar vnleichtlich / an diesem gericht gewest / So haben doch dieselben / die lenge nicht bleiben mügen.

Item / Das die sachen zu letzt dahin geraten / das jr gegen vns / mit Processen vnd erkentnissen / auff bemelten Augspurgischen Abschied / fort gefaren / vnd die / so demselben Abschied nicht parirn mochten / für Ketzer vñ abtrünnige gehalten.

Item / Wiewol zuzeiten die Exception der vermeinte Deseos / etwan mit dem Cammergericht / widder vns vnd vnser zuuerwandten Stend / vnd den priuat personen derselben Religion / furgeworffen / So ist gleichwol darauff / dieweil jr vns vnd vnser zuuerwandten / vermüge des Augspurgischen Abschieds / für Ketzer halten / erkantnus ergangen.

Item / Vnd ob wol auch die Keiserliche vnd Königliche Maiestaten / den bemelten Augspurgischen Abschied / auff vnser furgewandte beschwerung / souiel die Religion belangt / durch gegeben declaration vnd confirmation / auffgehoben / So ist war / das ihr demselben Abschied noch anhangt / vnd auff denselben gelobt vnd geschworn seid / vnd gegen vns / vnd vnsern Zuerwandten / mit Processen vnd erkentnissen / nichts desterweniger fortfaren.

Item / Das etliche aus vns / mit vnsern geistlichen an dem Cammergericht / rechtlich furgewest / sie auff vorgemelte Augspurgisch= en Abschied beklagt / Als sich aber die partheien vntereinander selbst verglichen vnd vertragen / vnd ihr solcher verglichung erinnert vnd gewar worden / habt jr fürder / den Fiscal aus sonderm widderwillen / widder vns ange richtet / gegen denselben personen / ex officio / zu handeln.

Item / Das ihr gegen den Stenden des andern theils / dermassen nicht furgenomen habt / noch dasselbige gestatten wollen.

Item / Dieweil wir vnd vnser mituerwandte Stende / aus vorgemelter beschwerung / erwerer person halben / nicht vmbgehen mügen / euch aus billichen / rechtmessigen vrsachen / vormaln zu recusirn / wider euch anzuschreiben / vnd also vnser notdurfft meniglichen kuntbar zu machen / das wir eur personuen / ob es schon dafür nicht beschehen / doch durch dieselb / vnser Recusation vñ Aufschreiben dermassen irritirt vnd verbittert / das wir vns daher / nicht allein inn Religion / sondern auch prophan sachen / keins gleichen rechten / zu euren personen nicht versehen mögen.

Item / Das die Visitation vnd Reformation / eurn widderwillen / abgunst / hasa / vnd vnser misvertrauen / gegen eurn personen schwerlich hinweg nemen würdet.

Item war

Item / war sein / Das eur parteilichelt dar
raus zuuernercken / das ihr etlichen aus vnsern
Mituerwandten Stenden / jr gebeten Proces
vnd Mandaten / aberkant / vnd hinwiderumb
dem gegenteil / Process vnd Mandata / eben
inn dergleichen fellen / zuerkant / vñ in gleichen
sachen / den einen absoluiert / den andern con
demnirt.

Item / Das jr auch inn ewern Processen /
geuehrlich vnd partheilich volfart / vnd die
rechtfertigung / so wir vnd vnserer verwandten
bey euch haben / entweder gefehrlich vorschies
bet / odder zu vnsern / vnd der vnsern nachteil /
fürdert.

Wie wir dan das / vnd anders / gegen eurn
personen / notdurfftiglich zuerweisen verhoft
fen.

Vnd wollen vns / fur vns vnd vnserer Zu
erwandten / dem allen nach / aus vorgemel
ten vrsachen vñ rechtmessigen gründen / gentz
lich versehen / ihr werdet euch hinfurt gegen
vns / vnd den vnsern / zu procedirn enthalten /
Geschicht das nicht / so wollen wir vns alle vñ
jde notdurfft / so vns von Gott vnd Recht / zu
gelassen wirdet / furbehalten haben / Vnd sind
erbötig / so ferne wir solchs soltē schuldig sein /
vnd sonst nicht / solche vrsachen wider euch
vnd den gegentheil / vor wilkürlichen Rich
tern / Darzu wir dann euch / Nemli. h / Den
hochgebornen Fürsten / herrn Ludwigen /

D

Pfaltz

Pfaltzgrauen bey Rhein/ Dertzogen inn Bai-
ern/ des heiligen Reichs Erztzuchses/ Chur-
fürst/ Herrn DtHeinrichen/ Pfaltzgrau-
en bey Rhein/ Dertzogen inn Obern vnd nid-
dern Baiern/ Herrn Heinrichen/ Dertzo-
gen zu Meckelnburg/ Vnd die Wolgebor-
nen/ vnser liebe Nene vnd besonder/ Ulrich/
Graue zu Nelffenstein/ Endwigen/ Grauen
zu Stolberg vnd Königstein/ Vnd dann vn-
ser lieb besonder/ Bürgermeister vnd Rath der
Stedte/ Regenspurg vnd Speir/ hiemit vn-
ser theils benennen thun/ Mit erbietung/ vns
derhalben mit euch/ derselben oder anderer zu
uer gleichen/ vnd sonst alles vnd ides/ was vns
vñ vnsern Nitterverwandten/ in dieser sacht
en von Rechts wegen gebüren wil/
zuleisten.



